

景洪武本程雪樓集

景祐武本程雪樓集

影刊洪武本
程雪樓集

丙寅三月長洲章鉉署端



宣統庚戌夏五
陽湖陶氏涉園
開版乙丑畢工

文章之盛與世運相關立德立言之士
秉心中正涵融乎混元之氣出逢其時
吐詞發義非有蹈襲自然成一代之言
矣有元楚國程文憲公當至元之間特
起東南作爲文章脫略宋季靡陋之弊
振起乎作者之風其始也大廷召見答
問稱旨即解武職轉任館閣一時被遇
之隆蓋異數也公之文雄渾雅則叙事
詳密鋪張正大議論恢弘昭晰如青天



白曰雍容如和風慶雲故其揄揚至治
黼黻皇猷天下之士翕然歸之思有以
企及於其後焉制詔見代言之懿國史
備述作之工公卿大夫碑版題品得一
言者如獲拱璧然求其敷布運用一皆
發乎積中之蘊有仁義道德以爲之本
故也在朝幾四十年入居翰林集賢商
議中書出司風紀因侍從以獻替議立
冑監條約定設科舉程制陳利病論權

姦行部四方則肅厲方岳薦拔遺逸灼
灼乎忠誠之心文章政事相爲表裏又
可見矣公之早歲受學于族祖徽菴先
生與吳文正公爲同業徽菴得石洞之
傳以上探考亭濂洛之緒公之學有淵
源德廣氣充宜其一出而與興運相符
也嗟夫公一言而當世信重之必也流
傳於後世矣今其全集行于世者揭文
安公之所校正起制誥止樂府凡三十

卷公之曾孫潛重刻梓成

清朝適徵其集欲備

乙覽亦既送官矣潛復屬釗序之斯文
也不待傳而無不傳之于永久因其文
而知其學襲其德美論其世其豈小補
也乎公之行事載諸信史備于碑贊世
稱雪樓先生云

洪武二十有九年龍集丙子春三月甲
子前貢士後學江陵熊釗謹序

自古帝王之興必有弘毅任
重之士應時而出以綏維正論扶
植善類為已事由是人才以多
國是以定而治具張矣我

世祖皇帝混一天下于時大司徒
程文憲公初至京師以重臣薦

召見便殿敷對稱旨上給筆札
使之條陳公一揮如千言言皆切
當上大悅即擢實詞垣尋俾
以風紀之任公或知遇知者不言
排擊大姦靡悼後杰之物三
十餘年立冑監教及條徵南中

遺逸頒貢舉程式凡國家斯
文之事悉自公倡議焉非弘
毅任重之士豈能及於斯哉
公之為文以氣為主至於代播
告之言偉然國初氣象見於
辭今之問故讀公之文者可以知

公之事業也夫氣寓於無形其
有迹可見以事文章二者而已其
間涵蓄之深培養之厚以之為
政而剛明以之為文而渾灝惟程
公有焉公之子著作郎大本編輯
公文將卒而卒孫少府世宗繼

廸父之志始克成之屬予爲叙
余誦公之文知公之行有過人
而不可及者誠非腐儒俗士之
所能也爲卷四十五起制誥詔諭
冊文終詩樂府云至正丙戌夏
四月下澣日翰林學士承旨榮

祿大夫知制誥兼脩國史後學
廬陵歐陽玄序



嗚呼文章者天下之公器也非人力所得
而私之故其存於天地間歷千萬世而不
泯者殆必有神物以呵護之而能然也觀
夫六籍之書嘗遭秦火而藏於孔壁者傳
呂迄今詎偶然乎洪武辛未秋盱江程潛
致其仲兄淳之言來南豐邑庠告後子曰
先曾祖文憲公有文集四十五卷實先大
父秘書公之所編輯而揭文安公之所校

正者先君子集賢公嘗請教授許先生舛
異繕寫以歲至正甲申持入燕京承旨歐
陽文公平章諭德李公咸為之序戊戌冬
復囊以浮海至閩暇日與文安公子僉憲
公汰重定為三十卷癸卯歲刻于建陽市
僅成前十卷值戊申革命劉氏之肆兵燹
失焉幸已印行其後廿卷未刻庚戌烱先
君子攜以歸時江未暇再刻也世運隆平

捐貲遣人詣書市托朱自達氏刊為全集
列肆以傳冀其永久惟是集也非先君子
往返南北攜以自隨若止藏于家壬辰變
故靡常湮淪久矣茲呂繡梓將完愿子叙
其後嗟夫道之但昂文之顯晦信有其時
若文憲公之德澤宜其流于無窮今其遺
文屢厄而獲全子孫終刻以傳世則與孔
壁藏書而卒暴白者豈相遠哉所謂神物